

Guangjisi Minzcu Bau

ganhhau: CN45-0036 B.2015 Nd.11 Ng.4 liggaeuq ietfeih nienz ndwengouj ngeihsam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3197期

Aen Hoih Yenzdauj Hong Guengjsae Minzcu Vah Saw Laebfap Caeuq Cwnggouz Yigen Youq Namzningz Hai 广西民族语文立法工作研讨暨征求意见座谈会在南宁召开

10 nyied 26 daengz 27 hauh, aen hoih yenzdauj Guengjsae Bouxcuengh Swcigih saujsu minzcu vah saw laebfap caeuq cwnggouz yigen youq Namzningz hai, Swcigih Minzyijveij Conhgyah Swhsinz Veijyenzei fucujyin veijyen, Swcigih Yinzminz Cwngfuj canhsuiz fucujyin Luz Dai, Swcigih Minzyijveij Conhgyah Swhsinz Veijyenzei fucujyin veijyen, Guengjsae Minzcu Dayoz Vwnz-zyoyen yencangj Veiz Su' gvanh, Swcigih Yinzminz Cwngfuj canhsu Luz Suivaz daengj lauxhangz hai hoih daujlun. Swcigih Minzyijveij fucujyin Vangz Cenzcungh, Minzyijveij Minzcu Vah Saw Laebfap Gunghcozcu daengxcungq cwngzyenz camgya hai hoih.

Ciuq cam rox, Guengjsae minzcu vah saw laebfap hanghmoeg dwg Swcigih Minzyijveij dak hawj Guengjsae Minzcu Dayoz hengzguh hanghmoeg. Guengjsae Minzcu Dayoz hawj Veiz Su' gvanh caeuq Luz Dai guh hanghmoeg doengzaez baux-fucwz, vanzlij cujiz mizgven lauxhangz laebbaenz hanghmoegcu, ciuq hanghmoeg iugouz guh hong.

Aen hoih neix, baux camgya nyinhcaen hagsib guekgya caeuq sengj (gih) wnq mizgven saujsu minzcu vah saw faplwd diuzvwnz, gvidingh. Ciep dwk, daihhoih gaengawq 《Guengjsae Bouxcuengh Swcigih Saujsu Minzcu Vah Saw Gunghcoz Diuzlaeh》(camh dinghmingz, caujaug) yieugq baux camgya hai hoih cwnggouz yigen

caeuq genyi, vanzlij guh le coihaig. Doeklaeng, hanghmoegcu baux-fucwz yieugq Swcigih Minzyijveij veibau le hanghmoeg cindu cingz-gvang, vanzlij gyau gij cwngzgoj ngamq aeu ndaej haenx—《Guengjsae Bouxcuengh Swcigih Saujsu Minzcu Vah Saw Gunghcoz Diuzlaeh》(camh dinghmingz) faenz-bonj(cogau) caeuq gangmingz de. Gvaqlaeng, hanghmoegcu lij yaek dawz 《Guengjsae Bouxcuengh Swcigih Saujsu Minzcu Vah Saw Gunghcoz Diuzlaeh》(camh dinghmingz) faenzbonj (cogau) laebdaeb yieugq ndawbiengz gak hangz gak nieb cwnggouz yigen caeuq genyi, caenh-itbouh gajindei de.

(Moz Hungz/莫宏)

SIUSIK DINJ

简讯

● Gaenh geij bi neix daeu, Lozcwngz Mulaujcu Swciyen baengh dangdieg dienheiq caeuq diegnamh ndei, gaenxmaenx gujli sonyinx vunzlai diegbya hwngfat dajndaem maklozhan, makit, makdauz daengj, byaij ok diuz loh lajmbanj swngghai bangcoengh baenzfouq dinj bingz vaiq he, ndaej daengz vunzlai haengigyaez.

(Liu Gvanghfuz)

● Mboengqneix, Namzningz Si gyoengq vunz simndei he, bae Duh'anh Yauzcuz Swciyen Baujanh Yangh Cauyez Siujyoz soengq denz, haiz mad daengj doxgaiq seizdoeng yungh haenx hawj hagseng gungzhoj, hawj gyoengq hagseng gungzhoj haenx gvaq seizdoeng mbouj caiq deng nit.

(Couh Sinh)

● 10 nyied 25 hauh, Denhdwngj Yen Yangduh Cin banh cietsuenggyangq hozdung moix bi gvaq baez haenx, miz fwen ciep hek, gouzfuk dadeng, minzcu mizyinx doxdax yindung daengj, yinx ndaej baenz fanh vunz ndaw yienh rog yienh bae yawjngonz youzcet.

(Luz Linzhuj)

● Bi neix daeu, Ningzmingz Yen youq seiz hozdung hwnjguh lajmbanj gyaendei, yawjnaek fatok daengx yienh 160 lai aen yangh, cunh song gaep vwnzyi duivuj cozyung, yungh gij deihfueg vwnzyi cezmuuz vunzlai haengj dingq gyaenz yawj haenx, gyauyuz sonyinx gyoengq baux-guhnaz gaenxmaenx camgya "luzva ranzmbanj" "bienqseuq raemxgwn" "dajndongj roenloh" cienhangh hozdung, doengzaez doicaenh swngghai lajmbanj gensez.

(Couh Yizganh)

● Mboengqneix daeu, Yungzsuij Myauzcuz Swciyen 1300 lai baux dangyenz ganbu gapbaenz aen cingcinj yawjrox gunghcozdui he, bae Mbanjdung Ranzauz, doiq daengx yienh 20 aen yangh cin 198 aen cunh 1679 aen mbanj 3130 aen vunzmbanj siujcuj noengzhoh haiguh hong cingcinj yawjrox bingzgij, vih riengzlaeng cingcinj bangcoengh dwk roengz giekdaj gaenxmaenh, vih gyavaiq vunzlai duetgungz baenzfouq guh ndei haidaeuz.

(Lungz Linzci)



Sanhgyangh: "Mehsiuqva" Dajsiuq Coengh Demsou 三江: "绣娘" 刺绣助增收

10 nyied 29 hauh, Sanhgyangh Dungcu Swciyen Dungzloz Yangh "mehsiuqva" Dungcu youq ndaw Sanhgyangh Siuqdung Bozvuzgvanj dajsiuq. Gaenh geij bi neix daeu, aen yienh neix leihyung seizndei cingcinj bangcoengh, haenqrengz gyalai doiq siuq Dungcu, veh bauxguhnaez Dungcu daengj dinfwngz feihyiz swncienz ligdoh, gyavaiq Dungcu vwnzva canjniebva hwngfat cindu, hawj "Siuqdung" "Vehdung" daengj doxgai feihyiz gai bae daengz Ouh Meij hawciengz, hawj gyoengq "mehsiuqva" "boux-guhveh" mbouj ok dou couh ndaej demsou soengswt. Ndaw doz dwg "mehsiuqva" cingq dajsiuq.

(Gungh Bujganh/龚普康 Yangz Cunhmou/杨春茂)

Bingzgoj Yen Yungh Haj Aen Banhfap Baujhoh Caeuq Swncienz Fwenliuz Vwnzva Bouxcuengh 平果县五举措保护与传承壮族嘹歌文化

Gaenh geij bi neix daeu, Bingzgoj Yen yungh lai cungj banhfap, haenqrengz baujhoh caeuq swncienz fwenliuz vwnzva Bouxcuengh.

Bae ndawbiengz, vatcimh cing-leix yenzswngghai fwenliuz. Gaengawq gojgaeq canghfwen cienziengq, soucomz ndawbiengz conzdungj bonj-cau ma fanhoiz, cingileix caeuq biensaw, ok dauq saw 《Bingzgoj Fwenliuz Bouxcuengh》.

Daj iq guh hwnj, hawj fwenliuz miz baux swncienz. Youq hagdangz hai fwenliuz banmizyinx, hawj lwgnyez gyaenz ciengqgo haenx hag eu fwenliuz, laebbaenz Yinzdojleizniz Lwgnyez Bouxcuengh Habciengqdonz, swnj-

cienz caeuq fatyienz fwenliuz vwnzva bouxcuengh.

Dajcauh duivuj, yungh lai cungj hingzsiq cienziengq fwenliuz moq. Cujciz 38 aen ndawbiengz fwenliuz gyoebhab duivuj seizneix miz haenx, ciengzseiz baizlien yienjok, leihyungh vwnzva roengz mbanj, soengq heiq roengz mbanj, cwngcwz senhconz daengj hingzsiq vunzlai haengj dingq gyaenz yawj haenx cienziengq fwenliuz.

Hai lundanz, haeujlaeg yenzgiu fwenliuz vwnzva. Iucingj ndaw guekrog guek lauxhangz mizmingz caeuq lauxhangz canghciegqgo daiqbiuj youq aen yienh neix haidanz, doengzaez damqlwnh baujhoh, swncienz

caeuq hwngfat fwenliuz, hawfwen Bouxcuengh.

Gyagiengz senhconz, hawj seiqgyaiq roxnaj fwenliuz Bouxcuengh. Doenggvaq banh hawfwen ciet ciengqgo senhconz doigvangq fwenliuz Bouxcuengh, hawj yied daeu yied lai vunz roxnaj fwenliuz Bouxcuengh. Gaenq banh baenz daengx gih "fwenliuz Bingzgoj—fwenvuengz Guengjsae iucingj doxdax", daengx yienh fwenvuengz fwenliuz senjok doxdax, "singyaem ndei Mbanj-cuengh" hawfwen ciet ciengqgo, moix bi "sam nyied sam" ciet hawfwen daengj.

(Vuz Anhginh/吴安军)